

octobri in territorio civitatis Basilee terramota vehementi
 suscitata tota ipsa civitas Basilea et omnis decor atque pulchri-
 tudo eiusdem, turretes et membra una cum domibus et edificiis
 civitatis omnia corruerunt et redacta sunt pariter in ruinam.
 In confinio insuper civitatis tam in montanis quam in plano
 castra et fortalicia ^{et} velle et oppida plurima eadem terre-
 motu circa 46 numero ceciderunt.

1355 apr. 5.

Karolus quartus Rome in imperatorem coronatur. Haec
 Karolus quartus rex Romanorum supradictus defuncto iam
 Lodovico III. imperatore suo antecessore ac non Luntoro comite
 de Swartzeburg contra ipsum post obitum dicti Lodovici per
 aliquos principes ad regnum electo summam rerum sine
 adversariis adeptus accessit ad partes Rheni de regni negotiis
 tractaturus, ubi in primo suo adventu nonnulli principes
 accesserunt ad ipsius praesentiam apud Hyeram civitatem regi-
 am accesserant. Inde se transtulit ⁱⁿ ~~et~~ Maguntiam, ubi
 pluribus ad suam obedientiam accedentibus natele domini
 cum solemnitate conventus principum celebravit. Quo tem-
 poris intervallo dum obisset Henricus archiepiscopus Magun-
 tinensis, qui licet per sedem apostolicam dudum depositus forti-
 manu usque ad obitum suum occupaverat ecclesiam Magun-
 tinam, dictus Carolus rex compositis adversitatibus Gerlacum
 archiepiscopum per sedem apostolicam prefato Henrico deposito
 substitutum ad sedem et in possessionem ecclesie Maguntine collocavit.

i) fortalicia cod. h) electi cod.